



UNIVERSITÄTS-
BIBLIOTHEK
PADERBORN

Universitätsbibliothek Paderborn

Instructio practica ...

Continens Armamentarium Seu Panoplima Spiritualem - Id est, Varia arma
& media ad omnis generis tentationes fortiter sustinendas, & feliciter
superandas, Ad Omnium Quidem Animarum

Lohner, Tobias

Dilingæ, 1688

Caput. V. De Tentationibus circa Ebrietatem.

[urn:nbn:de:hbz:466:1-48377](https://nbn-resolving.org/urn:nbn:de:hbz:466:1-48377)

lestium cor inflamat, quia, dum spiritualia desideria carnis valenter premit. Hoc certè medicum tam necessarium Cassiano est visum, ut dicere audeat: Nequaquam poterimus escarum presentium sperare voluptates, nisi mens contemplationi divina defixa, amore virtutum magis, & pulchritudine cœlestium delectetur.

LXI. Tertio illi suadeat, ut nihil extra tempus bibat, veledat? uti jam olim etiam Cassianus l. 5. c. 2. monuit dicens: *Monachus hanc inprimis sibi cautionem judicet, ut non potius quidquam, non esus, nullam libatione, ante stationem legitimam, communione refectiois horam extra mensam percipere sibi permittere indulgeat.* Certè S. Philippus Nerius dicere solebat, neminem fore vitum spiritualem, qui extra tempus sæpe comedere consueverit.

LXII. Quarto ostendat ei gravitatem hujus vitii ex damnis, quæ ex ea colligi potest, quòd, ut S. Gregorius ait, ex uno gulæ vitio innumeræ vitiorum agmina ad conflictum animæ producantur. In specie tertio ea recensuit Innocentius dicens: *Gula Paradisum clausit, primogenituram Esau vendidit, pistorem Pharaonis suspendit, S. Joannem Baptistam decollavit, templum jerosolymitanum per Nabuzardan Coquorum Principem cepit, & Jerusalem totam evertit.*

CAPUT V.

DE TENTATIONIBVS CIRCA EBRIETATEM.

LXIII. **A** Pronianus civis per assiduas compotationes adeò hepar suum accendit, ut continuè

sim se pati fateatur, & dum ob frequentem crapulam à Pastore suo graviter correptus, ad seriam emendationem stimulat, candidè respondet, impossibilem sibi videri abstinentiam à Cerevisia, atque adeò propemodum desperare de emendatione. Quæritur, quomodo à tam gravi consuetudine abducendus, & contra hanc tentationem muniendus sit?

Responsio.

LXIV. Primò illi ostendat, quàm difficilis sit Victoria tentationis hujus juxta S. Augustinum dicentem: *Ebrietas est quasi Inferni puteus; quoscunque susceperit, fortiter tenet.* Cui contentiens S. Hieronymus, *facile, inquit, caremus alijs vitijs, hic hostis nobis inolusus est, quocunque pergimus, nobiscum portamus Inimicum.* Quò ergo difficilior est victoria, tanto magis sibi ad DEUM pro auxilio recurrendum noverit, ut rectè idem S. Augustinus s. 231. de temp. monet dicens: *Qui sunt ebriosi, cum adjutorio DEI de luto fecerit se excutiant, vel de cloaca ebrietatis, dum adhuc tempus est poenitendi, festinent, quantum possunt, celeritate, DEO adjuvante consurgere, & totis animæ viribus cum Propheta supplicantes Domino dicant: eripe me de luto, ut non inbaream.*

LXV. Secundò perpendere eum jubeat, quàm turpe sit hoc vitium, utpote per quod ipsis brutis, quæ nullà vi adigi possunt, ut plùs, quàm necesse sit, bibant, fit deterior; quo motivo sanè permotus quondam Studiosus quidam fuit, teste Marchantio lect. 4. in sub. Sacerd. ad ebrietatem vitandam; cùm enim Parisiis domum proficiscens, in hospitiò ab hospite ad varios haustus in sanigatem uxoris, Filix, Ancillæ per-suasus

suasus esset, ideoque inebriatus, sequenti die gravissimos capitis dolores sensisset, accidit, ut in itinere ad fluvium perveniret, ibique jumentum suum ad bibendum invitaret, quod cum illud modicè fecisset, postea Studioso frustra per amorem Hospitæ, Filiorum, Ancillarum, ut plùs biberet, incitante, noluisse parere, quin etiam recalcitrando abnuisset, motus ille hoc jumentum exemplo dixit: Verè tu longe me prudentius es; si enim ego me heri perinde, ut non continuissem, hodie tam gravi capitis dolore, sauciorumque ariditate non laborarem; ideoque & sibi deinceps ab immodico potu temperare statuit.

LXVI. Tertio eidem demonstrat, quàm modò turpe, sed etiam periculosum sit hoc vitium, quia ebrium sic finire, est æternum interire; neque enim, cum rationis incapax sit, per ullum medicum recuperare potest statum gratiæ; quis autem necesse est quàm multis periculis per rixas, aut casus interiret, expositi sint ebrii, ut meritò Christus Luc. 21. te sollicitè monuerit: *Attendite vobis, ne forte crapula vestra graventur crapulâ & ebrietate, & supervenerit in vos repentina dies illa.*

LXVII. Quarto eidem ostendat, quàm noxium sit hoc vitium, uti sapienter Seneca ep. 81. advertens dicens: *Cogita, quas clades ediderit publica ebrietas. Hac acerrimas Gentes, bellicosissimâsque iracundissimas. Hac multorum annorum pertinaci bello defensa manserunt. hac contumacissimos, & jugum recusantissimos in alienum egit arbitrium: hac invictos acie mero percussit. Brevius verò S. Ambrosius l. 1. de Isaac. c. 2. diversa, inquit, singulis peccatoribus mala eveniunt temulentis omnia. Sed & S. Chrylostomus hom.*

In Gen. id confirmans ait: *Vini largior usus infinitorum malorum causa est, ut adeò ebrietas unius hora hilarem insaniam longo temporis tadio penset, teste Seneca, sed nihil dicam de jactura sanitatis, divitiarum, honoris, famæ, castitatis, ut meritò S. Augustinus l. 231. dixerit: Ebrietas flagitiorum omnium Mater, omnis luxuria soror, naufragium castitatis est.*

LXVIII. Quintò eidem suadeat, ut, sicut olim S. Augustino impossibilem luxuriæ fugam sibi esse persuadenti, continentia cum pueris & puellis apparuit, & subridens dixit: *Potuerunt isti, & ista, & tu non poteris?* ita ipse infinitorum hominum facillimè potu abstinentium greges menti objiciat, indèque colligat, non adeò difficile esse debere, quod tam multi sine speciali difficultate præstant; maximè cum divinum auxilium sibi per unam, alteramve generosam abstinentiam in honorem sitientis in cruce Christi exercitam conciliârit, pœnamque aliquam propter transgressiones propositi factas ipse sibi imposuerit.

CAPUT VI.

DE TENTATIONIBUS CIRCA
LUXURIAM.

LXIX. **M**Agdalena mulier formosa à proco quodam seducta, postquam semel carnis delicias gustare cœpit, adeò ab iisdem inescata est, ut passim se in omnis generis libidinem præcipitaret, & obvio cuivis prostitueret; Advertens tamen denique periculum salutis, in quo versatur, miserum statum suum Confessario aperit, ab eoque remedium,